

Sarajevo, 18.03.2020

Broj: 01-04-4-14436

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 10-33-4-14417 od 18.3.2020. godine, Generalna direktorica donosi:

ODLUKU

o izboru najpovoljnijeg ponuđača

za nabavku respiratora za ventilaciju odraslih za potrebe privremenog Izolatorija- liječenje pacijenata koji boluju od zarazne bolesti izazvane koronavirusom (COVID-19)

I

Prihvata se prijedlog Komisije za nabavku respiratora za ventilaciju odraslih za potrebe privremenog Izolatorija- liječenje pacijenata koji boluju od zarazne bolesti izazvane koronavirusom (COVID-19), po Izvještaju br. 10-33-4-14417 od 18.03.2020. godine, nakon provedenog pregovaračkog postupka bez objave obavještenja u skladu sa čl. 21./d) i člana 28. ZJN (Sl. glasnik BiH br. 39/14) i ugovor dodjeljuje ponuđaču:

CUBICUS d.o.o. Sarajevo

Nabavka Respiratora PA-900B Advanced kom 40 x 65.500,00 KM + PDV

Ukupna vrijednost nabavke iznosi: 2.620.000,00 KM bez PDV-a + PDV 445.400,00 KM = 3.065.400,00 KM

Uslovi plaćanja: 100% avans

Rok isporuke: 7 - 10 dana od dana potpisivanja ugovora i uplate avansa

II

Ova Odluka stupa na snagu danom donošenja i bit će objavljena na web stranici KCUS-a putem web stranice Kantona Sarajevo istovremeno sa dostavljanjem ponuđaču učesniku postupka javne nabavke.

O B R A Z L O Ž E N J E

Budući da je Svjetska zdravstvena organizacija WHO proglasila pandemiju koronavirusom (COVID – 19), u cilju poduzimanja najviših mjera zaštite stanovništva i na način sprječavanja, ranog otkrivanja i liječenja osoba zaraženih koronavirusom, neophodno je izvršiti hitnu nabavku opreme za potrebe privremenog izolatorija smještenog u prostoru Klinike za bolesti pluća i tuberkulozu „Podhrastovi“.

Prema potrebama za privremeni Izolatorij, a u skladu sa zaključkom Kriznog štaba KCUS, Odlukom UO o izmjenama i dopunama Privremenog plana javnih nabavki Kliničkog centra Univerziteta u Sarajevu za 2020 godinu, Tehnički sektor se Generalnoj direktorici obratio zahtjevom za saglasnost radi pokretanja postupka javne nabavke putem pregovaračkog postupka bez objave obavještenja. Predmet postupka je nabavka respiratora za ventilaciju odraslih za potrebe privremenog Izolatorija- liječenje pacijenata koji boluju od zarazne bolesti izazvane koronavirusom (COVID-19).

Izvor sredstava su vlastita sredstva, a ista će se nadoknaditi doznakom sredstava koja će biti uplaćena po Odluci Vlade FBiH (da se sredstva doznače Kliničkim univerzitetskim centrima čiji je osnivač Federacija BiH, a u cilju borbe protiv COVID 19).

U skladu sa Odlukom broj: 01-04-4-14328 od 18.03.2020. godine pokrenut Hitni pregovarački postupak bez objave obavještenja. Odluka o pokretanju postupka i poziv za pregovarački postupak objavljeni su na web stranici KCUS-a u skladu sa čl. 28. / (4) ZJN).



Na osnovu Poziva za dostavljanje ponude i Tenderske dokumentacije Komisija imenovana Odlukom broj: 01-04-4-14330 od 16.03.2020. godine je pristupila provjeri dostavljene dokumentacije i konstatovala da je ponuda dostavljena u skladu sa zahtjevima definisanim Tenderskom, te je **prihvatljiva** i može se pristupiti pregovaranju u cilju postizanja povoljnijih uslova.

Prema Izvještaju br. 10-33-4-14417 od 18.3.2020. godine Komisija je jednoglasno dala prijedlog da se za **nabavku respiratora za ventilaciju odraslih za potrebe privremenog Izolatorija- liječenje pacijenata koji boluju od zarazne bolesti izazvane koronavirusom (COVID-19)**, donese odluka o izboru ponuđača i ugovor dodijeli dobavljaču za CUBICUS d.o.o Sarajevo.

Prijedlog Komisije je prihvaćen i donosi se odluka kao u dispozitivu.



GENERALNA DIREKTORICA

Prof.dr. Sebija Izetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS